



REGIONE AUTONOMA FRIULI VENEZIA GIULIA

azienda per l'assistenza sanitaria

3 Alto Friuli, Collinare, Medio Friuli

RÊT TERITORIÂL DES CURIS PALIATIVS

AAS3



Ce che a son lis curis paliativis

Lis curis paliativis a son la cjapade in caric dai bisugns globâi, fisics, psicologjics, spirituâi e esistenziâi de persone malade e de sô famee cuant che la malatie no rispuint plui a lis terapiis che a àn come finalitât la vuarison.

Chestis curis, indreçadis a personis cun malatiis oncologjichis o cronichis a rapide evoluzion che a causin une progressive e grâf pierdite de autonomie, a son erogadis di un insiemi di professioniscj coinvoltis in relacion ai bisugns esprès de persone e de sô famee.

Cemût che e je fate la rêt teritoriâl des curis paliativis

La rêt teritoriâl des curis paliativis e je constituide di:

- Miedi di Medisine Gjenerâl
- Servizi Infermieristic Distretuâl
- Servizis socio assistenziâi
- Miedis paliativiscj
 - a. A nivel ambulatoriâl
 - b. A nivel domiciliâr
- Psicologic dedicât aes curis paliativis
- RSA (Residence Sanitarie Assistenziâl)

A cui che si indrece

La rêt si indrece a dutis lis personis (e a lis lôr fameis) cuntune malatie caraterizade di une evoluzion che no rispuint plui a trataments specifics o che a presintin:

- sintoms no controlâts come dolôr, mancjance di respir, dificolât a alimentâsi, strache cence ativitât, ...;
- pierdite progressive tes ultimis setemanis de autonomie tes ativitâts di vite cotidiane (par es. cure di se, dificolât a cjaminâ, necessitât di restâ in poltrone o tal jet par tantis oris al dì, ...);
- ricovars in urgjence tai ultins 6 mês;
- dificolât a frontâ lis situazions leadis al lâ indevant de malatie di un pont di viste emotif, relacionâl e sociâl.

Cemût che si ative la rêt teritoriâl des curis paliativis

La domande di ativazion des curis paliativis e pues jessi fate dal:

- Miedi di Medisine gjenerâl;
- Repart ospedalir;
- Day hospital/ambulatori;
- Servizi domiciliâr distretuâl
- Struturis residenziâls (RSA, Cjasis di ripôs)

I professioniscj a inviaran la domande al **Pont Unic di Acès (PUA)** che al è il sportel di riferiment dal Distret Sanitari.

Il PUA, coordinât di un infermîr distretuâl, al ativarà lis proceduris di valutazion e di cjapade in caric de bande dai professioniscj de rêt teritoriâl des curis paliativis.

Ce che e pues ufrî la rêt teritoriâl des curis paliativis

- la valutazion dal stât gjenerâl de persone, dai siei sintoms e des sôs necessitâts di cure e di assistence cul fin di tutelâ la cualitât de vite dilunc il lâ indevant de malatie;
- La planificazion e la gjestion des terapiis;
- La informazion e il supuart al malât e a la sô famee rispiet ae evoluzion de malatie;
- La planificazion e la gjestion dal percors assistenziâl.

I percors di cure a puedin jessi atuâts in ambulatori, a domicili o in RSA in relazion al nivel di autonomie dal pazient.

Riferiments

Ancje se il miedi di medisine gjenerâl al reste il prin riferiment pal pazient e la famee, a son altris numars utii di podê contatâ, par segnalazions e informazions:

Pont Unic di Acès (PUA)

Tumieç

tel. 0433 488822

mail pudato@aes3.sanita.fvg.it

di lunis a vinars

des 8:30 aes 15:30

Glemone

tel. 0432 989279

mail pudage@aes3.sanita.fvg.it

lun. mart. mierc. vin. 08:00-16:00, joibe 10:00-18:00

San Denêl

tel. 0432 949359

mail adi.sdaniele@aes3.sanita.fvg.it

di lunis a vinars

des 08:30 aes 15:30

Codroip

tel. 0432 909155

mail suiss1.dist.codr@aes3.sanita.fvg.it

di lunis a vinars

des 08:30 aes 15:30

Foto: Pixabay.com